



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-532-4/25**

Datum: **28.01.2026. godine**

«Agencija za vodno područje rijeke Save» Sarajevo rješavajući po zahtjevu pravnog lica «VIMAR GROUPE» d.o.o. Visoko za donošenje rješenja o vodnoj dozvoli za ispuštanje tehnoloških otpadnih voda u prirodni recipijent sa lokaliteta poslovnog objekta namjene – prerada mesa i proizvodnja mesnih proizvoda u naselju Ozrakovići - Industrijska zona, grad Visoko, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Pravnom licu, «VIMAR GROUPE» d.o.o. Visoko daje se vodna dozvola za ispuštanje tehnoloških otpadnih voda u prirodni recipijent sa lokaliteta poslovnog objekta namjene – prerada mesa i proizvodnja mesnih proizvoda, izgrađenog u naselju Ozrakovići - Industrijska zona, na zemljištu označenom kao k.č. broj: 18, 19/1, 19/2, 21/1 i 22/1 K.O. Ozrakovići, grad Visoko.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji predmetnog objekta i uz sljedeće uslove:
 - 2.1. Da se izgrađeni poslovni objekat lociran u Industrijskoj zoni grada Visoko održava u funkcionalnom stanju i koristi u skladu sa namjenom i uslovima iz ove vodne dozvole.
 - 2.2. Da se za vrijeme trajanja ove dozvole obezbijedi da se tehnološke otpadne vode nastale u postupku prerade mesa, pranjem instalirane opreme, uređaja i alata, pranjem podova i radnih površina nesmetano sakupljaju i odvođe na tretman u dva separatora masti sa integrisanim taložnikom, a potom u SBR biološki uređaj za tretman otpadnih voda.
 - 2.3. Da se za vrijeme trajanja ove dozvole obezbijedi da se oborinske onečišćene vode sa platoa, parking i manipulativnih površina nesmetano sakupljaju sistemom slivnika i kanizacione mreže i odvođe do separatora ulja i masti sa koalescentnim filterom. Krajnji ispuštanje prečišćenih voda je, zajedno sa prečišćenim tehnološkim otpadnim vodama, u kanizacioni kolektor a potom u rijeku Bosnu.
 - 2.4. Prečišćene otpadne vode prije ispuštanja u recipijent - rijeku Bosnu, moraju ostati u maksimalno dopuštenim granicama definisanim u Prilogu 8. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
 - 2.5. Objekte koji se koriste u svrhu prikupljanja, odvodnje i tretmana tehnoloških otpadnih voda nastalih na lokalitetu objekta (kanizaciona mreža, slivničke rešetke, postrojenja za tretman otpadnih voda...) potrebno je održavati i koristiti na takav način koji će obezbijediti njihovu potpunu ispravnost i funkcionalnost. O načinu i vremenu radova održavanja neophodno je voditi službenu evidenciju i arhivu.
 - 2.6. Čišćenje i održavanje postrojenja za tretman otpadnih voda može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o pražnjenju i odvozu taloga iz postrojenja kao i preuzimanje animalnog i oslalog otpada.
 - 2.7. U skladu sa propisima iz oblasti zaštite okoliša, vršiti bezbjedno i redovno skupljanje čvrstog opasnog i neopasnog otpada sa kompletnog kruga objekta, isti propisno skladištiti do njegovog konačnog zbrinjavanja od strane ovlaštene organizacije.
 - 2.8. Prakticirati suho čišćenje podova i opreme prije pranja vodom kako bi se uklonile organske nečistoće sa radnih površina, trošilo manje vode za pranje i smanjilo zagađenje.
 - 2.9. Krv nastala u prostorijama objekta za preradu mesa treba skladištiti u posebnom spremniku do konačnog zbrinjavanja. Trajnu dispoziciju riješiti prema uputama i u saradnji sa veterinarskom inspekcijom.

- 2.10. Animalni/klaonički otpad koji nastaje u procesu obrade mesa treba redovno odstraniti iz proizvodnog procesa, odložiti u kontejnere propisane za tu vrstu otpada i u saradnji sa ovlaštenom institucijom, prema sklopljenom ugovoru, odvoziti i zbrinjavati u skladu sa Zakonom o veterinarstvu, Pravilnikom o načinu postupanja sa životinjskim lešinama i otpadom životinjskog porijekla i propisima iz oblasti zaštite okoliša, a u cilju zaštite voda, tla, zraka i dr.
- 2.11. Sadržaj (mulj) iz postrojenja za tretman otpadnih voda, otpad nastao u postupku prerade mesa kao i ostali opasni i neopasni otpad se ne smije ni privremeno odlagati na česticu «vodno dobro», odnosno u vodotok i na njegove obale.
- 2.12. Vlasnik odnosno korisnik predmetnog objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
Izveštaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 2.13. Vlasnik odnosno korisnik objekta je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
3. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
4. U periodu važenja ove dozvole, Korisnik je dužan provoditi sve mjere i aktivnosti propisane istom.
5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik predmetnog objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
7. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. U ovoj upravnoj stvari plaćene su sve upravne pristojbe.
10. Ova vodna dozvola, shodno članu 117. stav (1) i 129. Zakona o vodama se daje s rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Od strane pravnog lica, «VIMAR GROUPE» d.o.o. Visoko dana 22.12.2025. godine podnesen je ovoj Agenciji zahtjev za donošenje rješenja o vodnoj dozvoli za ispuštanje tehnoloških otpadnih voda u prirodni recipijent sa lokaliteta poslovnog objekta namjene – prerada mesa i proizvodnja mesnih proizvoda izgrađenog u naselju Ozrakovići - Industrijska zona, na zemljištu označenom kao k.č. broj: 18, 19/1, 19/2, 21/1 i 22/1 K.O. Ozrakovići, grad Visoko.

U provedenom postupku dostavljena je i pregledana sljedeća dokumentacija:

- Ovjereni kopiji Rješenja o izmjenama podataka u sudskom registru broj: 043-0-Reg-23-001081 izdatog dana 18.10.2023. godine od strane Općinskog suda u Zenici,
- Ovjereni kopiji Uvjerjenja o registraciji/upisu u Jedinostveni registar obveznika indirektnih poreza broj: 04/1-17-1-UPJR/1-6283-2/20 izdatog dana 19.11.2020. godine od strane Uprave za indirektno-neizravno oporezivanje Banja Luka,
- Kopija Rješenja o vodnoj dozvoli broj: UP-I/25-3-40-001-4/21 izdatog dana 19.01.2021. godine od strane «Agencije za vodno područje rijeke Save» Sarajevo,
- Kopija Rješenja o upotrebi objekta broj: 03/1-19-4-43/20 izdatog dana 01.02.2021. godine od strane Službe za urbanizam, stambene, geodetske poslove i katastar nekretnina Grad Visoko,
- Glavni projekat sakupljanja, tretmana i ispuštanja otpadnih voda poslovnog objekta za preradu mesa i mesnih proizvoda u naselju Ozrakovići-Visoko urađen od strane «TQM» d.o.o. Lukavac, august 2019. godine – na uvid,
- Atestno tehnička dokumentacija za ugrađene uređaje za tretman otpadnih voda proizvođača «BORPLASTIKA EKO» d.o.o. Tuzla,
- Kopija Ugovora o zbrinjavanju animalnog otpada zaključen dana 01.10.2024. godine između «VIMAR GROUPE» d.o.o. Visoko i «ALBA» d.o.o. Zenica,
- Kopija Ugovora o čišćenju separatora i odvozu otpadnog mulja i taloga iz separatora zaključenog dana 02.12.2025. godine između «VIMAR GROUPE» d.o.o. Visoko i «DELTA PETROL» d.o.o. Kakanj (prilog: kopija radnog naloga broj: 03-07-25 od 12.07.2025. god),
- Kopije Izvještaja o monitoringu kvaliteta i kvantiteta otpadnih voda Industrije mesa «VIMAR GROUPE» d.o.o. Visoko broj: 27/25, januar 2025. godine i broj: 1256/25, juli 2025. godine urađeni od strane «Inspekt-RGH» d.o.o. Sarajevo,
- Dokaz o uplaćenju upravnoj taksi na zahtjev.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog objekta u naselju Ozrakovići - Industrijska zona grada Visoko i tom prilikom je sačinjen Zapisnik o uviđaju broj: UP-1/21-3-40-532-3/25 od 21.01.2026. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Predmetni poslovni objekat (spratnosti P+1) namjene prerada mesa i proizvodnja mesnih proizvoda izgrađen je u naselju Ozrakovići – Industrijska zona, grad Visoko. Planirani kapacitet prerade odnosno proizvodnje je: oblikovano meso 500 kg/dan, polutrajni proizvodi 1500 kg/dan, trajni proizvodi 500 kg/dan. Kao sirovina za preradu, koristi se svježe meso bez kostiju.
- Za predmetni objekat ranije je od strane Agencije doneseno Rješenje o vodnoj dozvoli broj: UP-I/25-3-40-001-4/21 od 19.01.2021. godine sa određenim uslovima.
- Snabdijevanje vodom za tehnološke, sanitarne potrebe i hidrantsku mrežu riješeno je putem priključka na gradsku vodovodnu mrežu kojom upravlja JKP «Visoko» d.o.o. Visoko.
- Tehnološke otpadne vode nastale u procesu prerade mesa, pranjem instalirane opreme, uređaja i alata, pranjem podova i radnih površina objekta se prikupljaju zasebnim kanalizacionim sistemom, prolaze tretman kroz dva separatora organskih masnoća sa integrisanim taložnikom (kapaciteta 2 i 10 l/s) a potom odvođe na tretman u aerobni biološki prečistač sa aktivnim muljem i SBR tehnologijom kapaciteta 100 ES (proizvođač «BORPLASTIKA EKO» d.o.o. Tuzla).
- Na biološki uređaj se priključuju i sanitarno-fekalne otpadne vode nastale u sanitarnom čvoru za uposlene prikupljene zasebnim kanalizacionim sistemom. Oborinske onečišćene vode sa platoa i manipulativnih površina se prikupljaju zasebnim kanalizacionim sistemom te putem slivnika i slivničkih rešetki odvođe na tretman u separator ulja i naftnih derivata kapaciteta 30 l/s.

- Krajnji ispušt precišćenih otpadnih voda nakon tretmana u biološkom prečištaču, zajedno sa precišćenim oborinskim vodama sa platoa i manipulativnih površina, preko okna za monitoring, je u kanalizacioni kolektor a potom u rijeku Bosnu.
- Čišćenje separatora ulja i masti vrši se prema Ugovoru od strane firme «DELTA PETROL» d.o.o. Kakanj prema ugovoru.
- Animalni otpad se zbrinjava od strane firme «ALBA» d.o.o. Zenica prema ugovoru.
- Monitoring otpadnih voda se radi redovno. Uz zahtjev dostavljeni Izvještaji o ispitivanju kvaliteta otpadnih voda za januar i juli 2025. godine urađeni od strane «Inspekt RGH» d.o.o. Sarajevo. Ispitivani parametri zadovoljavaju granične vrijednosti emisije utvrđene Uredbom o uslovima ispuštanja otpadnih voda u prirodne recipijente i sisteme javne kanalizacije.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu provedenog postupka, dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja propisani uslovi u skladu sa odredbama člana 53. i 116. Zakona o vodama, člana 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i odredbama člana 3. tačka cc) Uredbe o uslovima ispuštanja otpadnih voda u okoliš i sisteme javne kanalizacije.

Na osnovu provedenog postupka, konstatuje se da je podnosilac zahtjeva, «VIMAR GROUPE» d.o.o. Visoko ispunio minimum uslova za donošenje rješenja o vodnoj dozvoli za ispuštanje tehnoloških otpadnih voda u prirodni recipijent sa lokaliteta poslovnog objekta namjene – prerada mesa i proizvodnja mesnih proizvoda u naselju Ozrakovići - Industrijska zona, grad Visoko, te je riješeno kao u dispozitivu ovog Rješenja.

U skladu sa članom 61. Zakona o vodama i odredbama Pravilnika o postupcima i mjerama u slučajevima akcidenta na vodama i obalnom vodnom zemljištu («Službene novine Federacije BiH», broj 71/09 i 102/18) korisniku predmetnog objekta utvrđene su obaveze u tački 5. dispozitiva ovog Rješenja.

Uplaćeni su i posebni troškovi prema Zaključku ove Agencije broj: UP-1/21-3-40-532-2/25 od 20.01.2026. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od 15 dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.inž.građ.

Po ovlaštenju

Rukovodilac Sektora za izdavanje vodnih akata



Nihad Pezo, dipl.inž.građ.

Dostaviti:

- «VIMAR GROUPE» d.o.o. Visoko
Industrijska zona Ozrakovići bb, 71300 Visoko
- ⊖ AVP Sava, ISV – Vodna knjiga
- Sektor 50
- Sektor 40 - arhiva
- Oglasna ploča - AVP Sava